

DISPUTATIO INAUGURALIS MEDICA
DE
RHACHITIDE
QUAM

DIVINA FAVENTE GRATIA
CONSENSU ET AUTORITATE AMPLISSIMI
IN ALMA JULIA MEDICORUM
ORDINIS
PRÆSIDE

DN. A.C. GAKENHOLZ

M. D. SERMÆ MAJ. MAGN. BRIT. MED. AUL.
ANAT. PHYSIOL. ET BOT. P. P. O. ET COLLEGII
MEDICI H. T. DECANO

DOMINO FAUTORE PRÆCEPTORE ET
PROMOTORE SUO VENERANDO

PRO LICENTIA

SVM MOS IN ARTE MEDICA HONORES
ET PRIVILEGIÀ DOCTORALIA RITE
CONSEQUENDI

PUBLICO ERUDITORUM EXAMINI SUBMITTIT

CASP. JOH. WIESELER

SCHÖPPENST. BRUNSVICENSIS

IN MAGNO JULEO

HORIS ANTE ET POMERIDIANIS

D. XVII. SEPTEMBR. ANNI MDCCXVI.

ROTHA **HELMSTADII**

TYPIS HERMANNI DANIELIS HAMMII ACAD. TYPOGR.

VIRIS

**PRÆNOBILISSIMIS AMPLISSIMIS ATQUE
CONSULTISSIMIS DOMINIS**

DOMINIS

**CONSULIBUS, CAME-
RARIIS, RELIQUISQUE SE-**

**NATORII ORDINIS MEMBRIS
GARDELEGIENSIBVS
GRAVISSIMIS**

**DN. PATRONIS ATQUE FAUTORIBUS SUIS
HONORIFICE SUSPICIENDIS**

**DISSERTATIUNCULAM HANC INAUGURALEM
OFFERT DICAT ET DEDICAT**

AUTOR.



Q. D. B. V.
SPECIMEN INAUGURALE
DE
RHACHITIDE.

§. I.

Sil semper novi quid parturit siticulosa
Africa, experimur etiam per histo-
riam Medicam, novos semper oriri
morbos, genus humanum affligentes.
Morbi oriuntur Endemii, oriuntur Epide-
mii, per multa secula aut per breve tempus,
in hac aut illa regione furentes. Possemus
contexere longam historiam talium, de qui-
bus jam Plinius conquestus est, ast illud nimis

longum foret. Cui vero ignotum? scædum morbum longe lateque serpentem ante aliquot demum secula innotuisse, quamvis non existimemus morbum hunc adeo novum esse, uti vulgo creditur: quippe nisi fallimur, non obscure illum jam indicavit sec. decimo tertio Salicetus Chirurgia sua cap. 48. de Pustulis albis & scissuris & corruptionibus, quæ fiant in virga & circa præputium propter coitum cum meretrice, vel alia de causa. Et Gordonius Medicus Montis Pessulani initio decimi quarti seculi agens de Passionibus virgæ, similia tradit. SVDOR ANGLICVS, quantum scimus, veteribus ignotus fuit. RHACHITIS pariter superiori primum seculo Anglorum vexavit pueros, nec tamen, ut multi credunt solis se Angliæ limitibus continuit, sed cis mare etiam sæpius, imo in Belgio bis ab Experientissimo Domino Præsidi hic morbus observatus fuit. De hocce morbo igitur placuit mihi Amicorum suasu Speciminis Inauguralis loco pauca quædam proferre.

* (5) *

§. II.

Cum itaque invaderet primum hic morbus Anglorum infantes; Medici, qui ob rationes postea indicandas, illum vitio spinalis medullæ contingere arbitrantur, Rhachitidem dicendum putavere, denominationis ratione deducta a notissimis vocibus *ῥάχις*, *ῥαχία*, *ῥαχίτις*.

§. III.

Describenda vero Autorum suffragio Rhachitis, quod sit inæqualis nutritio, cum partium laxitate, mollitie, debilitate, languore, ignavia, torpore, capite justo majore, macie vero in secundo ac tertio ventre artubusque, protuberantiis circa articulos, incurvatione ossium, angustia pectoris, tumida abdominis impletione, hypochondriorum tensione, tussi aliisque symptomatibus sæpe concurrentibus.

§. IV.

Quilibet autem facile intelliget descriptionem hanc esse quam repetimus, non vero

definitionem ; nempe adducitur modo & enarratur lerna malorum, & conspirantia in unum Symptomata, ut adeo hic morbus vere complicatus sit dicendus, qualis Scorbustus, malum Hypochondriacum, aliæque ægritudines.

§. V.

Supervacaneum foret methodo Autoribus familiari, seorsim hic tradere signa, quoniam illa in descriptione satis evidenter enumerantur.

§. VI.

Properamus ad argumentum majoris momenti & altioris indaginis scilicet causam. Hic vero non paucae oriuntur difficultates ad hancce eruendam, adeo ut fere post multas meditationes vel hoc exemplo, quamvis inviti fateri cogamur, conjecturalem sæpe esse modo Artem Medicam.

§. VII.

Nempe occurrunt hic tam diversa Symptomata, ut si Medicus primum advocatur
ad

ad talem ægrum excusandus sit, si quo se ver-
tat, nesciat.

§. VIII.

Susplicari equidem poterat prudenter ille
Medicus insolito morbo decumbentem pue-
rum (1) obstructione mesenterii laborare,
quoniam pleraque hinc deduci poterant Sym-
ptomata, abdominis tumor, macies, caput
tumore inflatum, ignavia, torpor, angustia pe-
ctoris hypochondriorum tensio.

§. IX.

Poterat secundo Medicus hæc eadem
Symptomata quodammodo deducere a ver-
mibus, a quibus similia & graviora sæpius oriri
mala nimis quam notum est.

§. X.

Sed præcipue hic attendendum erit ad
protuberantias circa articulos & incurvatio-
nem ossium, quæ hunc morbum ab aliis
distinguunt.

§. XI.

Ossa cum in pueris non nutriri modo
debeant, sed & augeri, si gelatinosa illa lym-
pha

pha, quæ materiam nutritionis constituit, hæret ante limen, nec progreditur ad ossium cavernulas, hisce particulis diducendas, non potest non mora illa ibi coagulari, & cartilagineam abire in substantiam. Sed ratio hujus Phænomeni vix quæri poterit vel in mesenterio obstructo, vel in vermibus, alimenta meliora consumentibus.

§. XII.

Quod autem ad incurvationem ossium attinet, illa quidem non nisi violenta ratione detorqueri posse fatendum est. Poterant pedum, crurumque ossa, in debilioribus infantibus, ubi mollior adhuc illorum substantia, facile flecti, si præmature ambulando exerceantur, succi pleno, & ponderosiore hinc corpore: Poterant alio etiam errore a situ recto declinare: Verum tale quid hic factum vel fieri non supponimus.

§. XIII.

Aliam itaque rationem adducere non possumus, quam musculorum contractionem.

Sunt

Sunt etenim musculi nil nisi funes, quibus ossa huc illuc trahenda & retrahenda. Si autem contingat alterutrum musculum nimium abbreviari, fieri non potest, quin flexilia ossa incurva fiant atque tortuosa; potest & inæqualis nutritio in culpa esse. §. XIV.

Cum vero & spina dorfi, hic sua fata experiatur, & aliunde notum sit, viscera inferiora ex nervorum spinalis medullæ succo irrigari. Dicta autem viscera inferiora in primis affici observatur, non adeo inepte Auctores acculant spinalem medullam, namque si præsecto nervo marcescere solet hæc illave pars, aut etiam emori; non mirum, si fonte horum nervorum obstructo, membra, quæ hinc alimenti necessariam partem capere debebant, tabe consumantur.

§. XV.

Prognosis hujus affectus admodum est difficilis. Spes non vana est, si quid judicamus, restitutum quidem iri, prudentis Medici ope puerum, quod ad partes molles fluidasque; Ossa vero jam incurvata reducere,

B

non

non unam requirit Encheiresin , nec unam
 machinam , a perito Chirurgo adhibendam ,
 atque omni industria adhibita emendare for-
 san ossa , vix vero restituere in integrum
 poterimus.

§. XVI.

Ut autem secundum Præcepta Artis, me-
 thodumque medendi tentemus curare misel-
 los languentes , perpurgandas ante omnia
 putamus esse a sordibus primas ut loquun-
 tur vias. Idque tuto fieri non arbitramur
 per Vomitoria , nempe cum infantes primis
 duobus annis ut plurimum corripì soleant hoc-
 ce morbo , in tenella illa ætate tam violenta
 remedia non facile solent adhiberi. Quod si
 autem Medicus suspicetur ventriculum sabur-
 ra repletum , illumque necessario esse eva-
 cuandum , tentet illud per oleosa , uti oleum a-
 mygdalarum dulcium , atque aquam tepidam ,
 irritando fauces pluma ; non vero facile eme-
 ticis antimoniatìs nisi parcissima dosi : Oxy-
 mel autem squilliticum non disuademus.

§. XVII.

§. XVII.

Alvum omni cura liberam & apertam servandam suademus: Clysmata, uti ubique secura ratione eliciunt fæces ex crassioribus intestinis, & si artificiose composita sint, volatiliores particulæ illis permixtæ altius penetrant, ita hic maxime commenda. Pro circumstantiarum autem varietate Medicus in consilium vocatus nunc acriora nunc leniora præscribet.

§. XVIII.

Si cathartæcis opus est rursus non violenta sed mitiora modo commendamus.

§. XIX.

Sanguinis missionem vel Venæ sectionem non admittimus nisi in Plethoricis & sanguineis infantibus: In talibus sectionem venæ secure institui per experientiam novimus; & Autores narrant, quod scarificatio,

ubi sanguis liberaliter effluxerat, etiam in hoc morbo cum euphoria instituta fuerit.

§. XX.

Quoniam vero ut diximus ad spinam dorsi potissimum respiciendum, medullamque & nervos: hic non convenient modo nervina interna (non tamen nimis calida) sed & externa linimenta, unguenta, spiritus, olea, cataplasmata, foci, frictiones, qualia ita sunt nota, ut actum ageremus, si hæc transcribere vellemus, inprimis cum pro circumstantiarum infinita varietate talia mutari debeant.

§. XXI.

Idem esto iudicium de præfidiis Chirurgicis. Quod autem ad symptomata attinet, & quomodo iis occurrendum, vel mediocriter in Arte exerci-

tatus facile novit

Tantum.

℞) o (℞



CUr, WISLERE, meos plausus, quid carmina
poscis?
Dum Te promeritus concomitatur honos.
Non eget hoc fuco virtus, quæ sola refulget,
Ast etiam gnatos ornat & illa suos.

gratulabundus hæc scribebam

JO. VVILHELMVS ENGELBRECHT D.
Ordinis JCtorum Senior, & Acad. Juliae
h. t. Vice-Rector.

QUod *natura* parit, polio *ars*, & perficit *usus*:
Sic quivis nostrum dicere saepe solet.
Ingenii dotes TIBI non *natura* negavit,
Has vero *ars* auxit sedulitate tua.
Quid dicam de *usu*? Te fecit in arte magistrum.
Garlia quid? *spartam*: Julia? *serta* dabit.

IO. ANDR. SCHMIDT D. PP.
ordinis theol. Senior & Abbas
Mariævallenfis.

EXcutis *infantum* morbum Rhachitida dictum
Ut quondam possint Te celebrare *senes*.
Ito bonis avibus, *pueris senibusque* medetor
Ut volitare queas multa per ora *virum*.

grat. scr.

A. J. BÖTTICHER Dr.
Archiat. Guelph.

B 3 PRÆSES

PRÆSES
CANDIDATO

S. P. D.

Quoniam Poëtis non semper fides tuto adhibetur,
malo loco gratulatorii Carminis solutis verbis
testari non parum nos lætatos esse, quando inter col-
loquia solennia audivimus; Te per Collegia hic di-
ligenter a Te frequentata non mediocres in Arte fe-
cisse profectus. Fieri non potest quin talem soler-
tiam suus sequatur, maneatque honos. Quem lu-
bentissimo animo conferemus.

Iustitiam medicus plus præstat consule iusto:
Conservat, reddit, juraque jure juvat.
Tu Medicas leges calles, dictare paratus
Quod juris, miscens dulcia, largus aquis.

Doctori Medico WISELERO

gr. scrib.

HERM. von der Hardt/
Decanus.

Ingenii qua vi studio quantoque vacaris
Arti Tu medicæ, scriptio docta probat.
Gratulor eximiis conatibus, & rogo, summum
Numen fortunam provehat usque Tuam.

RVD. CHRIST. WAGNER
phil. & medic. D. mathem. & natu-
ral. prof. ordin.

Scis

SCis, quænam in terris sint pessima & optima? dicam:

Nil pejus Medicis, est meliusque nihil.
Est etenim vilis Medicorum turba malorum,
Quod vespillo facit, qui faciunt Medici.
Sunt contra soliti morborum inquirere causam,
Quæ facile optatam cognita monstrat opem.
Est igitur Medicus sic pessimus: optimus idem;
Sic pejus Medico est, est meliusque nihil.
Optimus es Medicus, *WIESLERE* colende, quod
ipsum

Comprobat exemplo Julia Clara Tuo.
Nam dudum vario es calidoque exercitus usu,
Conjungens praxi docta reperta Sophum.
Ergo promeritos merito Galenus honores
Promptus concedit, Fautor amande, Tibi.
Gratulor huncce Tibi lætus, *no-ve Doctor*, honorem,
Addat huic alios mox bona fama gradus.

*Sinceri affectus testandi causa
deproperabat*

JOH. RVD. NOLTENIVS
Sch. Gard. Rector.

M*yn Heer*, ghy schryft en spreekt met wel geleerde
gronden,
Ghy bent om Uwe Kunst vermaert, oock wys bevonden;
Ghy thoont daervan de Vrucht in onsen *Elm. Aitheen*,
De swarte Nytt, die swyght en komt noyt op het Been:
Die laet schier nimmer af van tegens Eer te rasen
En komt haer vuyle Gift op haer geduerigh blasen
Maer tis een nutter ding, wanneer het God behaeght
Van dees en die benyt als over al beklaeght.

Ick

Ick wensſt U veel Geluck, Ghy meriteert die Eeren
Van een *Doctor* te zyn, door Uw' begeefte Leeren,
Ghy hebt van allen Gunſt, *Gard'legen* U bemint
De Eer volgt op de Deucht! U raeckt geen quade Wint.

U. Ed.

Ootmoedige en gehoors: Dienaer

I. C. STIESSER.

Vorſtel. Br. Lun. tot Helmſtedt beſt,

Ontfanger van de acciſen.

DAt Galenus opes, tribuitque Machaon honores:
Illas exopto; hos grator, Amice, TIBI.

*Ita ſummos in arte Medica honores
gratulatur*

BARTHOLD. VINCENT. STIESSER, LL. Cult.

Opponens.

Contra vim mortis dicunt non eſſe medelam,
Ut medica pelli dexteritate queat;
Arte tamen medica tu noſti pellere mortem;
Nam Tuis in terris non morietur honos.

*Ita Nobil. & Clariffimo Dno. Doctori WISELERO,
Amico & Contubernali meo quondam exoptato
congratulari voluit ac debuit. In Alma Julia
patria ſua*

LYDOVICVS ERNESTVS SCHVLZE Med. St.

Opponens.

